

समे – 12:25

<><><><><><>

PM Foundation Stone

प्रधानमंत्री नरेन्द्र मोदी होर अज्ज धनवंतरी जयंति ते 9में आयुर्वेद दिवस दे मौके उपर नमीं दिल्ली च स्वास्थ्य सरबंधी तकरीबन 12 ज्हार 850 करोड़ रुपे दी लागत आली केई परियोजनाएं दा उद्घाटन ते नीह पत्थर रखगंन। मोदी होर आयुष्मान भारत प्रधानमंत्री जन अरोग्य योजना च 70एं बरें ते एहदे शा बद्ध उमरी दे नागरिकें गी बी शामिल करने दी योजना दा बी शुभरंभ करगंन। एहदे कन्नै सब्बै आय-वर्ग दे वरिष्ठ नागरिकें लेई स्वास्थ्य सुविधा सखल्लियां होई जांगन। स्वास्थ्य सुविधाएं गी बेहतर बनाने लेई प्रधानमंत्री होर केई स्वास्थ्य संस्थानें दा उद्घाटन ते नीह पत्थर रखगंन। ओह देश दे पैहले अखिल भारतीय आयुर्वेद संस्थान दे दुए-गेड़ दा बी उद्घाटन करगंन। इस मरहले च 1 पंचकर्म अस्पताल, दुआइयां बनाने लेई इक आयुर्वेदिक फारमसी इक खेड चिकित्सा इकाई, इक केन्द्रीय पुस्तकालय, इक आईटी ते स्टार्ट अप इनक्यूबेशन केन्द्र ते 500 सीटें आला इक अस्पताल शामिल होग।

<><><><><><>

PM-Appointment Letters

प्रधानमंत्री नरेन्द्र मोदी होरें अज्ज बक्ख-बक्ख सरकारी मैहकमे ते संगठनें च नमें नियुक्त युवाएं गी 51 ज्हार थमां बद्ध नियुक्ति पत्र बंडे। वीडियो कांफ्रेंसिंग राएं बोलदे होई प्रधानमंत्री होरें आखेआ जे युवाएं गी स्थाई सरकारी नौकरियां उपलब्ध करोआने दे जतल जारी न। उनें आखेआ जे सरकार देशै दे नोजवानें गी रोजगार दे मौके उपलब्ध करोआने लेई प्रतिबद्ध ऐ। रोजगार मेले दा आयोजन देसै दे 40णं थाहरें पर कीता जा'रदा ऐ। केन्द्र सरकार दे बक्ख-बक्ख मंत्रालयें ते मैहकमें शामिल होने आले नमें युवाएं गी कर्मयोगी प्रारंभ दे राएं बुनियादी सिखलाई लैने दा मौका थहोग। एह ऑनलाइन IGOT कर्मयोगी पोर्टल उपर उपलब्ध ऐ। एहदे च 1 ज्हार 4 शा मते e-learning कोर्स उपलब्ध न। जेहदे कन्नै भर्थी होने आलेंगी अपनी भूमका च असरदार ढंगै कन्नै सेवा देने ते विकसित भारत बनाने दी दिशा च कम्म करने लेई जरूरी कोशश कन्नै लैस कीता जाग।

<><><><><><>

JK-Run For Unity

मुख्यमंत्री उमर अब्दुल्ला होरें अज्ज SKICC श्रीनगर थमां झंडी दस्सियै ए रन फॉर यूनिटी कार्यक्रम दी शुरूआत कीती। आकाशवाणी जम्मू दे संवाददाता दी रिपोर्ट मूजब इस कार्यक्रम च मते सारे लोकें हिस्सा लेआ। जेह्दे च सिविल सचिवालय दे अफसर, पुलस ते सीआरपीएफ सनें युवाएं गी इस आयोजन च मती गिनतरी च शामिल होए। एह आयोजन बडलै 7 बजे शुरू होआ। जेह्दी शुरूआत राष्ट्रगान कन्नै कीती गई। युवा प्रतिभागिं बड़े उत्साह ते जोश कन्नै इस द्रौड़ च हिस्सा लेआ। जिसलै कि वरिष्ठ अधिकारिं ते गणमान्य लोकें इस द्रौड़ च हिस्सा लेइयै एकता दा संदेश कायम कीता। अधिकारिं जम्मू कश्मीर च शांति ते विकास गी बढ़ावा देने च एकता दी भूमका उप्पर जोर दित्ता ते खुशी जताई। उनें इस आयोजन दी सफलता गी जकीनी बनाने च नागरिक प्रशासन ते सुरक्षाबलें दे सांझे जतनें गी दस्सदे होई इस आयोजन गी संभव बनाने आले हर इक माहनु दा बी आभार प्रगट कीता।

<><><><><><>

Akhnoor Terror Attack

सुरक्षाबलें अज्ज जम्मू दे अखनूर सेक्टर दे बट्टल ग्रां च जंगली इलाकें च छप्पे दे दो आतंकवादिं गी गोली मारी दित्ती ते बन्ने दे कोल 29 घेंटे चली दी गोलीबारी च मारे गेदे आतंकवादिं दी गिनतरी 3 होई गई ऐ। आकाशवाणी जम्मू दे संवाददाता दी रिपोर्ट मूजब सोमवार बडलै एलओसी दे कोल चलने आले सेना दे काफले दी एम्बुलेंस उप्पर गोलीबारी करने आले 3 आतंकवादिं चा इक गी संजा तगर स्पेशन फोर्स, एनएसजी कमांडरें ते बीएमपी-11 इनफैंट्री कम्बाट वाहन दा इस्तेमाल करियै मारी दित्ता गेआ हा। अखनूर सेक्टर दे बट्टल खौड़ इलाकें दे जोगवान ग्रां दे मंदर दे कोल सेना ते पुलस दी सांझी टीम आस्सेआ अज्ज बी गोलीबारी शुरू करने दे दऊं घेंटे दे अंदर होरने दो आतंकवादिं गी बी मारी दित्ता गेआ। मुठीोड़ खत्म होई गई ऐ। लेकन मारे गेदे आतंकवादिं दी लोथें गी हासल करने लेई कारवाई जारी ऐ। इस अभियान दरान सेना दे चऊं ब'रे दे कुत्ते फैंटम दी गोली लगने करी मौत होई गई।

<><><><><><>

JK-Special CL

जम्मू कश्मीर सरकार नै जम्मू च देयाली ध्यार मनाने आस्तै कश्मीर च कम्म करने आले जम्मू आले कर्मचारिएं दे पक्ख च त्रै दिनें दा स्पेशल कैयुअल लीव दी घोषणा कीती ऐ। आकाशवाणी जम्मू दे संवाददाता दी रिपोर्ट मूजब कश्मीर च बक्ख—बक्ख मैह्कमें च कम्म करा'रदे पीएम पैकेज, माइग्रेंट, जम्मू आले कर्मचारिएं दे पक्ख च 30, 31 अक्टूबर ते 2 नवम्बर 2024 गी त्रै दिनें देयाली ध्यार स्पेशल कैयुअल लीव देने उप्पर मंजूरी दिक्ती गई ऐ।

<><><><><><>

JK Weather

मौसम विभाग आस्सेआ लाए गेदे अंदाजे मताबक बांदीपुरा दे किल्शे टाप सनें कश्मीर घाटी दे उप्परले इलाकें च अज्ज बर्फबारी दी इक ताजा परत दिखने गी लब्धी। गुलमर्ग पहाड़िएं सनें उत्तरी कश्मीर दे नेकें पहाड़ी इलाकें च हल्की बर्फबारी दी जानकारी थोई ऐ। मौसम विभाग नै आखेआ ऐ जे उत्तर ते मध्य कश्मीर दे जिले च उप्परलिएं धारें पर हल्की बर्फबारी ते बरखा दी संभावना कन्नै बदलें दे घनोए रौहने दी मेद ऐ।

<><><><><><>

Laxman Head Coach

साबका भारतीय क्रिेटर वी.वी.एस.लक्ष्मण होर भारतीय मर्दे दी क्रिकेट टीम दे दक्खन अफ्रीका दौरे दे हैड कोच होंगन। मजूदा राश्ट्री कोच गौतम गंभीर होर बोर्डर गवास्कर ट्रॉफी लेई आस्ट्रेलिया जांगन।

<><><><><><>

Women ODI Cricket

महिला क्रिकेट च अज्ज अहमदाबाद दे नरेन्द्र मोदी स्टेडियम च त्रीए ते खीरी एक दिवसीय अंतर्राश्ट्रीय मैच भारत दा मकाबला न्यूजीलैंड कन्नै होग। एह मैच दपैहरी डेढ़ बजे शुरू होग।

<><><><><><>